



月下

韻字孝經解

未

12
3535



門口12
號3535
卷

韻字孝經集 解善本

石渠閣梓行

昭和27年5月6日寄
今田外代氏贈

唐明皇御製序

朕聞上古其風朴畧雖因心之孝已萌而資
敬之禮猶簡及乎仁義既有親譽益著聖人
知孝之可以教人也故因嚴以教敬因親以
教愛於是順移忠之道昭矣立身揚名之
義彰矣子曰吾志在春秋行在孝經是知孝
者德之本與經曰昔者明王之以孝治天下



刑一本
作形

也。不敢遺小國之臣。而況於公侯伯子男乎。
 朕嘗三復斯言。景行先哲。雖無德教。加于百
 姓。庶幾廣愛。刑于四海。嗟乎。夫子沒而微言
 絕。異端起。而大義乖。況泯絕於秦。得之者皆
 煨燼之末。濫觴於漢。傳之者皆糟粕之餘。故
 魯史春秋。學開五傳。國風雅頌。分為四詩。去
 聖逾遠。源流益別。近觀孝經舊註。踳駁尤甚。

精一之
義一作

至于迹相祖述。殆且百家業擅。專門猶將十
 室。希升堂者。必自開戶。牖攀逸駕者。必騁殊
 軌。轍是以道隱小成。言隱浮偽。且傳以遺經
 為義。義以必當為主。至當歸一。精一無二。安
 得不剪其繁蕪。而撮其樞要也。韋昭王肅先
 儒之領袖。虞翻劉邵。抑又次焉。劉炫明安國
 之本。陸澄譏康成之註。在理或當。何必求人。

義者之
義一作
意

今故特舉六家之異同會五經之旨趣約文
數暢義則昭然分註錯經理亦條貫寫之琬
琰庶有補于將來且夫子談經志取垂訓雖
五孝之用則別而百行之源不殊是以一章
之中凡有數句一句之內義有兼明具載則
文繁畧之又義闕今存于疏用廣發揮

韻字孝經解

連陽廖文英百子訂

古岡鄧亦文聰哲校正

開宗明義章第一

此章開一經之宗本明五
孝之義理故曰開宗明義

仲尼居曾子侍子曰先王有至德要道以順天下民
用和睦上下無怨女知之乎曾子辟席曰參不敏何
足以知之子曰夫孝德之本也教之所由生也復坐
吾語女身體髮膚受之父母不敢毀傷孝之始也立
身行道揚名于後世以顯父母孝之終也夫孝始于

女一作
辟一作
避
女一作
名于始
于甲子

終于之
于并一
作於

前与孝系

事親中于事君終于立身大雅云無念爾祖聿修厥

德女音汝辟音避聿以律反仲尼孔子字名丘曾

坐敏達也語告也身體謂四肢髮毛髮膚皮膚詩大

雅文王篇無念念也昔夫子閒居曾子侍坐與之語

曰古聖王之治天下有極至之德切要之道順人心

之自然而教化之則天下之人被服其教自相和協

親睦上下無怨女知此義乎曾子避席而起對曰參

質鈍不敏何知至德要道使復坐曰吾詳告女凡為

人之子之孝以守身為大身者親之枝也必戒慎恐

懼弗敢毀傷此行孝之始事孝行非惟不毀又須成

立其身者行此孝道使揚名後代光榮其親此孝之

終事夫所謂孝者始于竭力事親中于委質事君忠

孝兩盡乃能揚名榮親故曰終于立身大雅云凡為

人子孫常念爾之先祖常傳述其功德而行之也此

是勉會子之意

天子章第二此以下至于庶人凡有五章謂

之五孝天子至尊故標居其首

子曰愛親者不敢惡于人敬親者不敢慢于人愛敬

盡于事親而德教加于百姓刑于四海蓋天子之孝

也甫刑云一人有慶兆民賴之惡去聲刑儀型也

惡于慢
于盡于
加于刑
于之于
并一作
於

頌字學經

二

大雅

教加于天下則是四海慕化皆視效儀刑而同歸于
孝矣蓋是天子之行孝非諸侯卿大夫士之可比也
引甫刑之言言天子一人有善則兆
庶皆倚賴之所謂上行而下效也

諸侯章第三

次天子之貴者諸侯也故以居篇之次

在上不驕高而不危制節謹度滿而不溢高而不危
所以長守貴也滿而不溢所以長守富也富貴不離
其身然後能保其社稷而和其民人蓋諸侯之孝也

詩云戰戰兢兢如臨澗淵如履薄冰

驕矜肆也危不安也制節用財

有節也謹度恪守法度也滿富足也溢涌泛也社土神稷穀神夫子言諸侯在一國之上而不以貴自矜

則雖居高位而不至于傾危積一國之賦其府庫充
矣若制立節限慎守法度則財雖盛滿而不至于涌
泛蕩溢矣居高位而不傾危所以長守其貴財充滿
而不為溢所以長守其富使富貴長久不離其身然
後乃能永保其社稷而和調其人民此諸侯之孝當
如是也引小雅小旻之詩言諸侯富貴不可驕也須
戰戰恐懼兢兢戒慎如臨澗淵
而恐墜如履薄冰而恐陷可也

卿大夫章第四

次諸侯之貴者卿大夫也故又居篇之次

非先王之法服不敢服非先王之法言不敢道非先
王之德行不敢行是故非法不言非道不行口無擇
言身無擇行言滿天下無口過行滿天下無怨惡三

者備矣然後能守其宗廟蓋卿大夫之孝也詩云夙

夜匪懈以事一人言禮法之言德行道德之行無擇

謂言行皆遵法合道而無選擇也夫子言大夫委質

事君學以從政服飾言行須遵守禮法若非先王禮

法之衣服則不敢服之于身非先王禮法之言辭則

不敢道之于口非先王道德之景行亦不敢行之于

躬就此三事之中言行猶須謹慎是故言行必合乎

道法非合乎道法則不言不行所以口無可擇之言

身無可擇之行則所言所行至于徧滿天下而言無

口過行無怨惡服飾言行三者全備無虧然後斯能

守其宗廟以奉其先祖之祭祀矣蓋卿大夫之孝也

引蒸民之詩言卿大夫當蚤起夜寐以事天子不得

懈惰也

資于資
于之于
并一作
於

士章第五

次卿大夫者曰士士者事也任事之稱也

資于事父以事母而愛同資于事父以事君而敬同

故母取其愛而君取其敬兼之者父也故以孝事君

則忠以敬事長則順忠順不失以事其上然後能保

其祿位而守其祭祀蓋士之孝也詩云夙興夜寐無

忝爾所生資取也詩小雅宛篇忝辱也所生謂父母

事母則愛父與愛母同取于事父之行以事君則敬

父與敬君同以此之故事母取其愛事君取其敬合

愛與敬而兼之者惟父然也故由是移事父之孝以

事君則為忠移事父之敬以敬長則為順盡其忠順

而不失其道。以此事上。然後能保其祿位。永守其先
祖之祭祀。蓋士之孝也。引宛之詩。言士行孝。當蚤起
夜寐。無辱其父母也。

庶人章第六 次士者庶人也。故又居篇之次。

於千一作

用天之道。分地之利。謹身節用。以養父母。此庶人之
孝也。故自天子至于庶人。孝無終始。而患不及者。未
之有也。 天道謂春生夏長秋收冬藏地利土地生植
高下燥濕謹身者謹修其身而不妄為也節
用者省節財用而不妄費也夫子言庶人服田力穡
須用天四時生成之道分地五土宜植之利謹慎其
身節省其用以奉養其父母此則庶人之孝此獨不
引詩者蓋以義盡于此而詞不容贅也夫子述五孝

畢。結言之。上自天子。下至庶人。尊卑雖殊。奉親之道
則無終始。始貴賤之異。人或患孝道至大。已身不能
企及。是以孝為難行之事。自古及今。未有此理。當自勉之。

三才章第七 言天經地義民行之事。可教化于人。故以名章。

曾子曰。甚哉。孝之大也。子曰。夫孝。天之經也。地之義
也。民之行也。天地之經。而民是則之。則天之明。因地
之利。以順天下。是以其教不肅而成。其政不嚴而治。
先王見教之可以化民也。是故先之以博愛。而民莫
遺其親。陳之以德義。而民興行。先之以敬讓。而民不

爭導之以禮樂而民和睦示之以好惡而民知禁詩
 云赫赫師尹民具爾瞻天以資生覆物為常故曰經地以承順利物為宜故曰義
 則法也肅戒嚴威治理也遺忘興起禁令也詩小雅
 節南山篇赫赫明明盛貌尹氏太師也曾子聞天子至
 庶人皆當孝而歎其孝之大夫子更以大之義告曰
 孝道雖大然豈自先王有哉人生天地間得天之性
 為慈愛得地之性為恭順恭順慈愛即為孝故孝者
 天之經地之義而人之行也孝本天地之常經而人
 取則焉故聖人法天之明以為常因地之利以行義
 順此以施政教是以其教不肅戒而成政不假威嚴
 而理是以先王因天地常經之政教可以化民于是
 身行博愛之道以率先之則人知愛之而無遺其親
 陳德義之美以教誨之則人為興起而未有不勉于
 行也又先之以恭敬謙讓則人相敬讓而不爭又導

之五禮六樂則人皆秩然有禮而和睦又示之為善
 者必好為不善者必惡則人知國禁而不敢犯也引
 南山詩曰赫然明盛之太師助君
 行化而為人視故人皆仰之也

孝治章第八

前章明先王因天地順人情以為教此章言明王由孝而治也

子曰昔者明王之以孝治天下也不敢遺小國之臣
 而況于公侯伯子男乎故得萬國之懼心以事其先
 王治國者不敢侮于鰥寡而況于士民乎故得百姓
 之懼心以事其先君治家者不敢失于臣妾而況于
 妻子乎故得人之懼心以事其親夫然故生則親安

况于侮
 于于士
 失于于
 妻之子
 并一作
 於

之祭則鬼享之是以天下和平災害不生禍亂不作
 故明王之以孝治天下也如此詩云有覺德行四國順
 之昔者先代遺忽忘也小國之臣子男之卿大夫也
 公者正也侯侯也伯長也子者字也男者任也侮
 慢也老而無妻曰鰥老而無夫曰寡治家謂卿大夫
 臣妾家之賤者災風雨不節害水旱不時禍逢殃也
 亂臣叛也詩大雅抑之篇覺大也順從也夫子言古
 昔聖王之治天下敬禮及乎小國尚不敢遺而况于
 公侯伯子男之臣乎故得萬國之懽心各盡職以助
 天子之祭以事其先王諸侯體明王孝治之心以治
 國至于鰥寡之微亦不敢侮慢之而况于士民乎則
 得百姓之懽心各助禘祫之祭以事其先君卿大夫
 推明王孝治之心以治其家恩榮及于臣妾不敢少
 有失而况于妻子乎是以無貴賤親疎得其懽心以

事其父母矣夫天子諸侯卿大夫皆以孝治天下國
 家以事其親如此故生而養則親安之沒而祭則鬼
 享之是以天下和睦太平而災害之萌不生禍亂之
 端不起故明王之以孝治天下如此引詩言有大德
 行而為四國之從者以證之

聖治章第九

曾子問聖人之德更有大于孝否
 夫子因問而說聖人之治以名章

加于大
 于子嚴
 于配王
 于子孝
 于善子
 凶之于
 并一作
 於

曾子曰敢問聖人之德無以加于孝乎子曰天地之
 性人為貴人之行莫大于孝孝莫大于嚴父嚴父莫
 大于配天則周公其人也昔者周公郊祀后稷以配
 天宗祀文王于明堂以配上帝是以四海之內各以

其職來祭夫聖人之德又何以加于孝乎故親生之
 膝下以養父母日嚴聖人因嚴以教敬因親以教愛
 聖人之教不肅而成其政不嚴而治其所因者本也
 父子之道天性也君臣之義也父母生之續莫大焉
 君親臨之厚莫重焉故不愛其親而愛他人者謂之
 悖德不敬其親而敬他人者謂之悖禮以順則逆良
 無則焉不在善而皆在于凶德雖得之君子不貴
 也君子則不然言思可道行思可樂德義可尊作事

可法容止可觀進退可度以臨其民是以其民畏而
 愛之則而象之故能成其德教而行其政令詩云淑

人君子其儀不忒

樂音洛嚴尊敬也配合也周公名旦郊祀祭天也后稷周之始祖

文王名昌明堂出政之堂宗祀宗廟之祭也敬禮敬也愛慈愛也續繼也善身行愛敬凶悖其德詩曹風鳴鳩篇淑善也忒差也曾子問聖人德教更有大于孝否子釋之曰天地之生物不一人受天地之性比萬物最貴以人之行言之則孝為大其大何也故孝行之大莫過尊敬其父尊敬其父者莫大于配享上天然敬父配天之禮則惟周公其人也昔武王崩成王幼周公攝政行郊祀祭天則以后稷配尊后稷猶天也宗祀祭上帝則以文王配尊文王猶上帝也周公之尊敬祖父則德教刑于四海四海內之諸侯皆

來助祭則孝道之感人如是則大聖人之德又何者
 可以加于孝乎故親愛之心生于孩幼之年漸長則
 日加尊嚴以致敬于父母是以聖人因其親嚴之心
 敦以愛敬之教所以教之愛敬者順其心以施教亦
 不待嚴肅而成理其政亦不待威嚴而自治原其所
 因本于孝也然父以尊嚴臨子子以親愛事父此自
 然之道本乎天性事父如事君又有君臣之義父母
 生子傳體相續人倫之道莫大于斯父為君以臨于
 已厚重莫過如此苟自不能愛敬其親而令他人愛
 敬其親是謂悖逆本心之德天理之宜惟人君合行
 政教以順天下今自逆不行使天下之人無所法則
 乃不在于善而皆在于凶德雖得志居于民上而有
 道君子能不賤惡之哉若聖人君子則不為悖禮
 之事言必思慮其合于義而陳說行必思其可信服
 而後行故立德行義不違其道可以尊崇制作事業
 動物得宜可以為法威儀容止合于規矩可以觀望

進退動靜不越禮制可以法度君行此六者以臨蒞
 斯民則民皆畏威懷德而取則法象于君故德教以
 此而成政令以此而行也引詩云言君子威儀無
 有差忒豈不為人法則哉信君子之德不可少也

紀孝行章第十

此章紀錄孝子事親之行故以名

子曰孝子之事親也居則致其敬養則致其樂病則
 致其憂喪則致其哀祭則致其嚴五者備矣然後能
 事親事親者居上不驕為下不亂在醜不爭居上而
 驕則亡為下而亂則刑在醜而爭則兵三者不除雖
 日用三牲之養猶為不孝也

養音攬樂音洛喪蘇莊反○居平居暇時致猶

取忘之
忘當作
亡

于一作
於

盡也醜衆爭競也三牲牛羊豕也為人子者誠以愛
親為心而不忘事親之孝平居無事常有以致其敬
遇養則樂遇病則憂遇喪則哀遇祭則嚴五者咸備
而後能事親也是善事親者居人上則莊敬臨下而
不可驕矜為人下則恭謹事上而不可悖亂在己之
醜類等夷則和順以處而不可爭競苟居上而驕則
失道而取忘為下而亂則犯分而致刑在醜而爭則
啓釁而召兵若三者不除必至危已之禍雖日奉牛
羊豕三牲之養自以為盡禮親得安坐而
食乎猶為不孝也故知事親自謹身始

五刑章第十一

前章有驕亂忿爭之事言
此罪惡必及刑辟故次之

子曰五刑之屬三千而罪莫大于不孝要君者無上
非聖人者無法非孝者無親此大亂之道也要伊交切

刑墨劓刑宮大辟也割其額額而涅之曰墨截鼻曰
劓肘腓曰刑男子割去其勢女子幽閉于宮曰宮刑
大辟死刑也三千墨劓之屬千劓罰之罪千刑罰之
罪五百宮罰之屬三百大辟之屬二百夫子言刑罰
有五其條有三千就此三千條中其不孝之罪尤大
凡為人子以孝事親以忠事君敢有挾而求于君是
無其上聖人規模天下法則敢有于非毀之是無
其法也人莫不有親也而敢以孝道為非是無其親
也人有此無上無法無親之惡皆為不孝逆亂之道
孰有大于此哉信乎為人孝弟而好犯上作亂為必
無之事也

廣要道章第十二

廣也故
以名章

首章云至德要道之事略而未詳所以于此申演之皆云

于孝于
悌于樂
于禮之
于并一
作於

子曰教民親愛莫善于孝教民禮順莫善于悌移風
 易俗莫善于樂安上治民莫善于禮禮者敬而已矣
 故敬其父則子悅敬其兄則弟悅敬其君則臣悅敬
 一人而千萬人悅所敬者寡而悅者衆此之謂要道
 也樂音嶽要去聲○夫子所謂要道者蓋君欲教民
 親于君而愛之者莫善于身自行孝則君行而民
 效之皆親愛其君欲教民禮于長而順之者莫善于
 身自行悌則上行而下效之皆順從其長欲移風易
 俗之弊敗者莫善于所樂而正之欲身安于上民治
 于下莫善于行禮以帥之夫敬者禮之本也天子敬
 人之父則其子皆悅敬人之兄則其弟皆悅敬人之
 君則其臣皆悅此皆敬父兄及君一人則其子弟及

豈弟
作儻

臣千萬人皆悅故其所敬者一人之寡而悅者有千
 萬之衆即前言先王有至德要道皆此義之謂也

廣至德章第十三

首章標至德之目此章明
 廣至德之義故以名篇

子曰君子之教以孝也非家至而日見之也教以孝
 所以敬天下之為人父者也教以悌所以敬天下之
 為人兄者也教以臣所以敬天下之為人君者也詩
 云豈弟君子民之父母非至德其孰能順民如此其
 大者乎豈音凱弟音體○夫子言君子教人以孝事
 親者非家至而戶到耳提而面命之也但行
 孝于內其化自流于外教之以孝則天下之為人父
 者皆得其子之敬教之以悌則天下之為人兄者皆

得其弟之敬教之以臣則天下之為人君者皆得其臣之敬詩云豈弟君子民之父母是以君子能順民心而行教化為民之父母若非至德之君其孰能順民心如此其廣大者乎

廣揚名章第十四

首章略言揚名之義而未審而于此廣之故以名章

子曰君子之事親孝故忠可移于君事兄悌故順可

移于長居家理故治可移于官是以行成于內而名

立于後世矣言君子奉事父母以盡孝道故資孝為忠可移孝以事君事兄能悌故資悌為

順可移弟以事長居家能以理故資治為政可移績以施于官是以君子能以行成于內則聲譽自立于

身沒之後不泯矣

于君子長于官于內于後之于并一作於

諫諍章第十五

此述諫諍之事故以名章

曾子曰若夫慈愛恭敬安親揚名則聞命矣敢問子

從父之令可謂孝乎子曰是何言與是何言與昔者

天子有爭臣七人雖無道不失其天下諸侯有爭臣

五人雖無道不失其國大夫有爭臣三人雖無道不

失其家士有爭友則身不離于令名父有爭子則身

不陷于不義故當不義則子不可以不爭于父臣不

可以不爭于君故當不義則爭之從父之令又焉得

離于陷于于父于君之于并一作於

為孝乎爭音諍○爭諫也。令善也。曾子曰：夫慈愛恭

亦可謂之孝乎？子曰：父有非，誤子不諫而成其過，汝

之所問是何言，與重言之者，明其深不可也。子諫親

臣諫君，自古已然。昔者天子治天下，有諫爭之臣七人

雖君不明其政教而無道，不至于失國，諸侯大夫有

諫爭之臣五人，三人雖不能治國，齊家，賴諫爭之臣

亦不至失其國家，士君子有諫爭之友，則聞過可改

其身亦不至遠于善之名。父有諫爭之子，彌縫匡救

則身不至陷于不義。凡為臣子者，不幸君父有過，不

容不以苦口諫爭之，當不義則諫爭，乃臣子之常道

若從父之令為孝，則是陷其親也，甚矣。從親之令不

可為孝也。

感應章第十六

前章論諫爭之事，言人若從諫，爭之善，必能修身，獲感應之福。

子曰：昔者明王事父孝，故事天明；事母孝，故事地察。

長幼順，故上下治；天地明，察神明彰矣。故雖天子，必

有尊也，言有父也；必有先也，言有兄也；宗廟致敬，不

忘親也；修身慎行，恐辱先也；宗廟致敬，鬼神著矣。孝

悌之至，通于神明，光于四海，無所不通。詩云：自西自

東，自南自北，無思不服。

昔明聖之王，能孝事其父，則

能孝事其母，則事母之孝，通于地；故事地，察明。王又

于宗族長幼，中皆順于理，則上下之人，無有不自化

矣。事天地，既能明察，必致福應，而神明之功，効彰矣。

故王者雖貴，為天子，于天下宗廟之中，必有所尊，言

有諸父也必有所先言有諸兄也然推而上之不特
事父兄為然即敬事宗廟則不忍忘其親猶修持其
身謹慎其行恐辱先祖而毀盛業也事宗親能盡敬
則祖考來格若能敬宗廟順長幼以極孝悌之心則
感通神明炎照四海故曰無所不通引有聲之篇
言從近及遠至于四方皆感德化無思不服也

事君章第十七

此言孝子在朝事君時也故以名章

子曰君子之事上也進思盡忠退思補過將順其美

匡救其惡故上下能相親也詩云心乎愛矣遐不謂

矣中心藏之何日忘之

夫子言君子之事進朝于君已善道則思盡忠極言無

隱及其退君有過失則思補塞進則復言至君有美則將順其美君有惡則匡救其惡如此則能君臣上

下情志通協能相親也小雅隰桑之詩云忠臣事君雖復有時離遠不在君之左右然其心之愛君不謂之道何日遺忘之乎

喪親章第十八

章首示孝子之喪親因以名章

子曰孝子之喪親也哭不偯禮無容言不文服美不

安聞樂不樂食旨不甘此哀感之情也三日而食教

民無以死傷生毀不滅性此聖人之政也喪不過三

年示民有終也為之棺槨衣衾而舉之陳其簠簋而

感之擗踊哭泣哀以送之卜其宅兆而安厝之為之

感之上有一有

哀字唐
一作措

宗廟以鬼享之春秋祭祀以時思之生事愛敬死事
哀感生民之本盡矣死生之義備矣孝子之事親終
矣喪蘇浪反樂音洛擗披昔反唐音措○儀哭餘聲也圓曰簞方曰篋擗拊心也踊定躍也唐安葬也
言孝子之喪親哭以氣竭而止無有餘儀之聲舉措
進退之禮無趨翔之容有事應言則言不為文飾服
齊縗而不安華美之服心哀而不喜聞其樂心痛而
不甘食之美此六者皆子哀感之性達于情也人子
不食過三日則傷生矣所以三日食者教天下之人
無以哀死而傷生雖毀瘠而不滅其性此聖人之為
政以為生民立命又立其中制不過三年所以示民
有終極也其始死也為之棺以周衣槨以周棺衣衾
以周身然後舉而斂之其將葬陳篋篋祭奠而加哀
感則女擗男踊哭泣不忍其親則悲哀從送之為墓

愛已之
已當作
敬

于郊則卜選宅兆之地而安厝之既葬之後則為宗
廟以鬼神之禮享之三年之後春秋祭祀以時思之
是以親存則孝子事之盡于愛已親亡則孝子事之
盡于哀感生民之宗本已盡死生之義理已備孝子
之情無所不盡是事親之終也為人子者取孝經讀
之為生死葬祭當盡其敬斯不失其孝之道也人其
勗諸

右正誤凡二十一

大江資衡識

韻字孝經解終

余觀此編。經文全與御註孝經無異也。但經文
 汝為女。避為辟。於為于。措為厝。為異已。而其註
 未詳何人所著。退而質之於明皇御註。則頗加
 詳悉。比之于邢昺正義。則能撮其樞要也。可謂
 近文孝經之龜鑑哉乎。頃日書肆某生將上木
 請余繙閱。故授徒之暇。使二三子讐校。且附諸
 訓點。以與焉云。

安永辛丑春正月

平安大江資衡識

皇都書鋪循古堂近江屋治郎吉壽梓

明倫彙編 家範典 孝行典 卷之四

和為字知敬者為

了田芳子

